

6/47 CONTRATACIÓN DA ADQUISICIÓN DE LICENZAS AUTOCAD E ACTUALIZACIÓN PRESTO DO CONCELLO DE LUGO. APROBACIÓN DOS PREGOS DE PRESCRICIÓN TÉCNICAS E DE CLÁUSULAS ADMINISTRATIVAS PARTICULARES, ASÍ COMO DO GASTO E A ADXUDICACIÓN POR PROCEDEMENTO ABERTO SIMPLIFICADO ABREVIADO. APERTURA DO PROCEDEMENTO DE CONTRATACIÓN. EXP. REF. 2024-C004-000004.- Examinado o expediente tramitado para os efectos e visto o informe proposta da técnica do Servizo de Contratación e Patrimonio, do 14 de febreiro de 2024, na parte expositiva [do](#) cal se fai constar:

“ANTECEDENTES

- 1.- Prego de condicións técnicas asinado polo xefe de servizo de Informática o 5 de febreiro de 2024 coa conformidade da Excm. alcaldesa para a adquisición de licenzas AUTOCAD e actualización PRESTO, xunto co informe de necesidade e proposta de criterios de adxudicación. Remítese, así mesmo, o correspondente estudo de custos.
- 2.- Mandamento contable da tesoureira municipal de existencia de consignación na aplicación orzamentaria 92002.22002 do vixente orzamento municipal (RC 5232) por importe de 24.199 euros (para o gasto da primeira anualidade)
- 3.- Prego de cláusulas administrativas particulares asinado pola técnica do Servizo de Contratación o 7 de febreiro de 2024.
- 4.- Informe proposta do Servizo de Contratación e Patrimonio asinado o 7 de febreiro de 2024.
- 5.- Informe favorable de Asesoría Xurídica asinado o 12 de febreiro de 2024.
- 6.- Informe favorable de fiscalización do Servizo de Intervención asinado o 14 de febreiro de 2024.

LEXISLACIÓN APLICABLE

- Lei 7/1985, do 2 de abril, reguladora das bases do réxime local (LRBRL).
- Real decreto legislativo 781/1986, do 18 de abril, polo que se aproba o texto refundido das disposicións legais vixentes en materia de réxime local (TRRL).
- Lei 5/1997, do 22 de xullo, de Administración local de Galicia (LALG).
- Lei 9/2017, do 8 de novembro de 2017, de contratos do sector público (LCSP).
- Real decreto 1098/2001, do 12 de outubro, polo que se aproba o Regulamento xeral da Lei de contratos das administracións públicas (RXLCAP).

ACTAS E GOBERNO

JDR/arm

Refº: ispac1584758289097862458.doc

Asunto: XUNTA DE GOBERNO LOCAL DO 21-2-2024

- Real decreto 817/2009, do 8 de maio, polo que se desenvolve parcialmente a Lei 30/2007, do 30 de outubro, de contratos do sector público.
- Lei 31/1995, de prevención de riscos laborais (LPRL) e os seus regulamentos.
- Real decreto 39/97, do 17 de xaneiro, sobre regulamentación dos servizos de prevención.
- Real decreto 486/97, do 14 de abril, sobre disposicións mínimas de seguridade e saúde nos lugares de traballo. Directiva 2014/24 UE do Parlamento Europeo e do Consello, do 26 de febreiro de 2014, sobre contratación pública. Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos (RXPD).
- Lei orgánica 3/2018, do 5 de decembro, de protección de datos persoais e garantía dos dereitos dixitais.
- Calquera outra disposición legal vixente que lles sexa de aplicación ás corporacións locais, así como toda a normativa e lexislación, relativos á protección de datos, que estea vixente ou entre en vigor durante a execución do contrato.
- Calquera outra disposición legal vixente que lles sexa de aplicación ás corporacións locais.

CONSIDERACIÓNS XURÍDICAS

Primeira. Este contrato debe ser cualificado como un **contrato de subministración** recollido e regulado nos artigos 16 e 298 e seguintes da Lei 9/2017, do 8 de novembro, de contratos do sector público que ten por obxecto:

A renovación de 16 licenzas do SW de deseño AutoCAD, nas súas dúas versións Map e LT, en modalidade de pago por uso así como a adquisición de 7 novas licenzas en versión LT e unha Map. Ademais, a actualización de dúas licenzas do SW de xestión de presupostos e medicións Presto: todo isto conforme as características que se especifican no prego de condicións técnicas elaboradas polo xefe de servizo de Informática.

Trátase dun contrato administrativo de subministración, xa que inclúe a renovación e adquisición de licenzas estandarizadas de AUTOCAD (inclúe só cesión de dereito de uso) que se configura como subministración conforme o artigo 16.3 b) LCSP.

En relación coa prestación dun servizo de actualización das licenzas de PRESTO, a Xunta Consultiva de Contratación, en informe 4/16, do 30 de xuño de 2016, realiza unha análise deste servizo para determinar se se está ante un contrato de servizos ou de subministración, e conclúe:

“No obstante, en relación con programas estandarizados, el artículo 9.3.b) se refiere a la adquisición, el arrendamiento y la cesión del derecho de los mismos. Es decir, no se refiere a su actualización. Por este motivo debemos realizar un ejercicio

interpretativo para determinar si la actualización de programas ya adquiridos, programas de carácter estandarizado como indica el propio texto de la consulta, se puede equiparar con la adquisición, el arrendamiento y la cesión del derecho de uso de los mismos y calificarse por tanto como contrato de suministros, o bien, en caso de no poder equipararse, calificarse como contrato de servicios.

En primer lugar, podríamos asumir que la actualización de un programa estandarizado no conlleva ningún tipo de actuación compleja sino tan sólo la mejora, el parcheado o la corrección de fallos (bugs fixing) en el mismo. Esto forma parte del desarrollo normal de cualquier programa estandarizado del que se venden licencias de uso tales como sistemas operativos, paquetes de procesamiento de textos, tablas de cálculo, etc.

En este supuesto, resulta difícil sostener la calificación como contrato de servicios puesto que el contratista únicamente suministra una nueva versión del programa ya adquirido.

En segundo lugar, encontramos el supuesto en el que la actualización del programa implica tareas complejas como la incorporación de nuevas funcionalidades al mismo, la instalación o adaptación de los equipos o sistemas que emplean los programas o incluso la formación del personal destinado a su utilización. En este caso se podría argumentar la calificación de la actualización como contrato de servicios en la medida en que no solamente se entrega el programa sino que también se desarrollan actividades complejas destinadas a la utilización del mismo. En este supuesto podríamos considerar que este contrato tiene elementos propios del contrato de servicios ya que no implica únicamente la actualización del software sino también una serie de actuaciones adicionales a la misma.

En este caso, dado que las prestaciones del contrato no incluyen labores de actualización complejas adicionales, propias de un contrato de servicios, cabe concluir que el contrato al que se refiere la consulta es un contrato de suministro del artículo 9.3.b) del TRLCSP"

Tendo en conta que os traballos de actualización non implican tarefas complexas, senón que unicamente se trata de actualizar á última versión, estamos ante un contrato de subministración.

Segunda. O procedemento de adxudicación elixido é o **aberto simplificado**, de acordo co previsto nos artigos 131 e 159 da LCSP. Así mesmo, e tendo en conta o valor estimado do contrato – **inferior a 60.000 euros** – procede a aplicación das **especialidades sinaladas no artigo 159.6 da LCSP**; sendo o único criterio de adxudicación os prezos ofertado á baixa.

Hai que salientar que como consecuencia da aplicación deste procedemento simplificado abreviado **non se esixe solvencia económica nin técnica nin garantía definitiva**; simplifíandose os trámites para a adxudicación do contrato, como é a innecesariedade de formalización do contrato.

ACTAS E GOBERNO

JDR/arm

Refº: ispac1584758289097862458.doc

Asunto: XUNTA DE GOBERNO LOCAL DO 21-2-2024

Terceira. O prego de cláusulas administrativas elaborado polo Servizo de Contratación recolle as esixencias legais sinaladas, e adáptase á normativa aplicable. Contén, con carácter xeral, os aspectos que son de contido obrigatorio, segundo o disposto na Lei 9/2017 de contratos do sector público, agás os que non son procedentes tendo en conta a modalidade de contrato elixida. **As súas características principais son:**

PRAZO DE DURACIÓN

Este contrato pretende unificar a duración de todos os contratos de renovación e adquisición de licenzas Autocad e Presto, de modo que rematen na mesma data, e para isto é preciso - á vista das diferentes datas de vencemento dos contratos actuais (que se indican na táboa da cláusula seguinte) - establecer diferentes períodos de licenciamento.

Así, a **duración do contrato iníciarase dende a formalización do contrato, e rematará o 30 de xuño de 2027**, se ben se establecen diferentes períodos de realización efectiva do contrato:

- Para as licenzas de deseño AutoCAD o licenciamento, producirase á formalización do contrato, e durará ata o 30 de xuño de 2027.

No caso de que a formalización do contrato sexa anterior ao 16 de maio de 2024, o prezo da primeira anualidade incluírá o custo da prestación durante o período previo e o importe da última anualidade incluírá o licenciamento ata o 30 de xuño de 2027; é dicir, o prezo unitario ofertado para cada produto, e que é o prezo para unha duración estimada de tres anos, incluírá os períodos anteriores ao 16.05.2024 dende a formalización e posteriores ao 16.05.2027 ata o remate total do contrato o 30.06.2027.

- Para as licenzas de xestión de presuposto e medicións Presto o licenciamento, producirase o 30 de xuño de 2024 e rematará o 30 de xuño de 2027.

Este contrato non será obxecto de prórroga.

ORZAMENTO BASE DE LICITACIÓN. VALOR ESTIMADO.

De conformidade co artigo 100 da LCSP o **orzamento base de licitación** ascende a **72.594,49 euros, IVE incluído** (prezo para a duración total do contrato e futuras adquisicións), e de conformidade coa seguinte táboa:

Cantidad e	Produto	Fin subscrición	Renovación ata	Importe unitario	Importe
3	AutoCAD LT	16/05/2024	15/05/2027	1.323,00 €	3.969,00 €

3	AutoCAD - including specialized toolsets Switched from Maintenance	01/03/2024	15/05/2027	3.258,15 €	9.774,45 €
10	AutoCAD LT	25/02/2024	15/05/2027	955,50 €	9.555,00 €
1	Servizo de actualización Presto (licenza P00A211192)	30/06/2024	30/06/2027	2.457,00 €	2.457,00 €
1	Servizo de actualización Presto (Licenza P050131007)	30/06/2024	30/06/2027	4.687,20 €	4.687,20 €
1	NOVA LICENZA AutoCAD - including specialized toolsets		15/05/2027	6.269,00 €	6.269,00 €
7	NOVA LICENZA AutoCAD LT		15/05/2027	1.490,40 €	10.432,80 €
1	FUTURA ADQUISICIÓN AutoCAD - including specialized toolsets			6.269,00 €	6.269,00 €
3	FUTURA ADQUISICIÓN AutoCAD LT			1.490,40 €	4.471,20 €
2	FUTURA ADQUISICIÓN Licenza Presto Presupostos e medicións MULTIUSUARIO			1.055,40 €	2.110,80 €
Subtotal					59.995,45 €

O prezo do contrato para as renovacións e adquisicións previstas durante tres anos (coa excepción indicada na cláusula anterior de duración do contrato) **ascende a 47.144,45 euros mais o IVE (21%) -9.900,33 - resultando un total de 57.044,78 euros, IVE incluído. (PREZO DE LICITACIÓN)**

Os licitadores deberán ofertar os prezos unitarios para cada produto, que se multiplicará polas cantidades indicadas na táboa que dará un importe total e sobre o cal se realizará a avaliación das ofertas.

Por outro lado, e para posibilitar a adquisición de produtos que puideran ser necesarios durante a execución do contrato, realízase na táboa anterior unha **estimación de gasto de futuras adquisicións cos importes unitarios; a suma do cal - 12.851 euros mais o IVE (2.698,71): total 15.549,71 euros, IVE incluído - permitirá atender estas novas necesidades.**

Os prezos que se oferten para as novas adquisicións de licenzas AutoCAD - including specialized toolsets e para autoCAD LT serán os que se aboarán para o caso de futuras adquisicións destes produtos.

Os licitadores deberán indicar na súa oferta o prezo unitario para futuras adquisicións de licenza Presto Presupostos y medicións MULTIUSUARIO que non poderá superar o prezo unitario indicado na táboa. Este prezo non será obxecto de avaliación.

A cantidade estimada para futuras adquisicións - 15.549,71 euros, IVE incluído - non sufrirá minoración para o caso de baixa dos prezos unitarios para posibilitar así incremento, se fose o caso, de maior número de produtos e ata o tope económico indicado. Anualmente, realizaranse os axustes correspondentes no orzamento no caso de que non fosen necesarias estas adquisicións

O **valor estimado do contrato** ascende a **59.995,45 euros**

CRITERIOS DE AVALIACIÓN

Tendo en conta que existen prezos unitarios distintos para cada tipo de produto, para os efectos de calcular a oferta economicamente máis vantaxosa, multiplicarase o numero estimado de cada produto polo prezo unitario ofertado correspondente conforme o modelo de oferta que se estableza no prego de cláusulas administrativo. A suma de todas estas cantidades dará lugar á cuantificación do importe total ofertado sobre o cal se realizará a avaliación da oferta, tendo en conta:

- Os prezos **unitarios** de licitación de cada produto **terán carácter de máximo**, e non poderá establecerse prezos superiores. No caso de comprobarse que algún dos prezos ofertados supere os prezos unitarios de licitación establecidos, excluírase a oferta aínda que o gasto total ofertado sexa inferior ao total orzamentado.

- Os licitadores deberán presentar oferta a totalidade dos produtos do anexo; quedarán excluídos aqueles licitadores que presenten oferta soamente para parte dos produtos.

A proposición que oferte o prezo total máis baixo, IVE excluído, obterá a máxima puntuación, e **as proposicións que presenten o prezo global indicado na táboa 47.144,45 euros, IVE excluído, obterán 0 puntos**. As restantes proposicións valoraranse de xeito directamente proporcional.

Os prezos que se oferten para as novas adquisicións de licenzas AutoCAD - including specialized toolsets e para autoCAD LT serán os que se aboarán para o caso de futuras adquisicións destes produtos.

Os licitadores deberán indicar na súa oferta o prezo unitario para futuras adquisicións de Licenza Presto Presupostos e medicións MULTIUSUARIO que non poderá superar o prezo unitario indicado na táboa: 1.055,40 euros, IVE excluído. Este prezo non será obxecto de avaliación.

RESPONSABLE DO CONTRATO

Responsable deste contrato: o xefe de servizo de Informática

Unidade encargada do seguimento e da execución ordinaria do contrato: será a correspondente aos códigos FACE indicados na cláusula deste prego relativa ao PAGAMENTO -DÉCIMO SEXTA-

PAGAMENTO

Para os efectos de pago pola correcta execución do contrato, as facturas presentaranse **separadamente para as licenzas AUTOCAD e para as licenzas PRESTO**, e dividiranse os prezos ofertados en tres anualidades. As facturas aboaranse unha vez que os técnicos do Servizo de Informática do Concello de Lugo comproben que as licenzas e o contrato de actualización estean activados tendo en conta o seguinte:

- Para as licenzas de deseño AutoCAD, o licenciamiento producirase á formalización do contrato polo que a continuación presentarase a factura por este primeiro período anual coa seguinte matización:

No caso de que a formalización do contrato sexa anterior ao 16 de maio de 2024, o prezo da primeira anualidade incluírá o custo da prestación durante o período previo e ata o 16 de maio de 2025; e o importe da última anualidade incluírá o licenciamiento dende o 16 de maio de 2026 ata o 30 de xuño de 2027.

E dicir, o prezo unitario ofertado para cada produto e que é o prezo para unha duración estimada de tres anos incluírá os períodos anteriores ao 16.05.2024 dende a formalización e posteriores ao 16.05.2027 ata o remate total do contrato o 30.06.2027.

- Para as licenzas de xestión de presuposto e medicións Presto, o licenciamiento producirase o 30 de xuño de 2024, polo que a continuación presentarase a factura por este primeiro período anual.

No caso de engadir novas licenzas no medio dun período de facturación, estas incluíranse nunha nova factura rateando os meses do período en curso, para incorporarse no período seguinte á factura anual.

Os códigos para a presentación das facturas son:

Oficina contable: L01270288 - EXCMO. CONCELLO DE LUGO.

Órgano xestor: LA0005487 - OX CONCELLO E CIDADANÍA.

Unidade tramitadora: LA0005557 - UT INFORMÁTICA MODERNIZACIÓN ADMINISTRATIVA.

Cuarta. En canto ao órgano municipal competente para aprobar o expediente da contratación de referencia, de acordo co disposto na disposición adicional segunda da LCSP, á Xunta de Goberno Local correspóndenlle as contratacións e concesións, incluídas as de carácter plurianual.

ACTAS E GOBERNO

JDR/arm

Refº: ispac1584758289097862458.doc

Asunto: XUNTA DE GOBERNO LOCAL DO 21-2-2024

Por acordo número 40/607 da Xunta de Goberno Local do 26 de xullo de 2023, a Xunta de Goberno Local resérvase o exercicio das atribucións delegables seguintes, coas precisións que seguen:

f) Aprobación de proxectos de obra; a aprobación do expediente de contratación, incluídos os pregos de cláusulas administrativas e de prescricións técnicas así como a autorización do gasto e a apertura do procedemento de adxudicación e a cualificación de urxencia na tramitación do expediente agás nos casos de que a tramitación do contrato correspondente se realice por procedemento aberto simplificado abreviado coas especialidades do artigo 159.6 da Lei 9/2017 de Contratos do Sector Público que se delega no/a Tenente/a de Alcalde Delegado/a da Área de Sostibilidade Urbana e Recursos Internos.

Reservase igualmente a adxudicación daqueles contratos que superen os límites establecidos no artigo 118 da Lei 9/2017, do 8 de novembro, de Contratos do sector público agás nos anteditos procedementos abreviados nos que, a adxudicación e adopción de actos de resolución definitiva dos expedientes de contratación, se delega nos/as concelleiros/as delegados/as de área ou específicas ás que estean adscritas as unidades xestoras proponentes do contrato.
.(./...)"

Porén, neste caso a duración do contrato é de tres anos, polo que é necesario que o órgano de contratación adopte o compromiso de habilitar crédito para os vindeiros anos. Dado que a adopción deste compromiso é unha atribución indelegable da Xunta de Goberno Local (art. 127.1.b) LRBRL), a aprobación deste expediente de contratación, incluídos os pregos de cláusulas administrativas e de prescricións técnicas así como a autorización do gasto e a apertura do procedemento de adxudicación correspóndelle á Xunta de Goberno Local."

A Xunta de Goberno Local, con base na referida proposta e por unanimidade de todos os seus membros presentes, **ACORDA:**

PRIMEIRO.- Aprobar a CONTRATACIÓN DA ADQUISICIÓN DE LICENZAS AUTOCAD E ACTUALIZACIÓN PRESTO DO CONCELLO DE LUGO.

SEGUNDO.- Aprobar o prego de prescricións técnicas asinado polo xefe do Servizo de Informática o 5 de febreiro de 2024 coa conformidade da Excm. alcaldesa, así como o prego de cláusulas administrativas particulares asinado dixitalmente pola técnica de Contratación o 7 de febreiro de 2024 e que se recollen en documentos á parte.

TERCEIRO.- Aprobar un gasto de 24.199 euros con cargo á aplicación orzamentaria 92002.22002 do vixente orzamento municipal (RC 5232) e

comprometerse a incluír nos vindeiros orzamentos a cantidade restante ata o remate do contrato.

CUARTO.- Aprobar a adxudicación por **procedemento aberto simplificado abreviado previsto e regulado polo artigo 159 da LCSP coas especialidades sinaladas no seu apartado 6.**

QUINTO.- Publicar o anuncio de licitación, así como os pregos de cláusulas administrativas particulares, prego de prescricións técnicas e demais documentos, no perfil do contratante do Concello de Lugo aloxado na Plataforma de Contratación do Sector Público.

O que se lles comunica aos interesados con indicación de que contra o anuncio de licitación, os pregos de cláusulas administrativas, de prescricións técnicas e demais documentos contractuais poderán interpoñer os seguintes recursos.

- Recurso contencioso-administrativo ante o Xulgado do Contencioso-Administrativo de Lugo (artigo 8 da Lei 29/1998, do 13 de xullo), nun prazo de DOUS MESES, contados a partir do día seguinte ao da notificación deste acto.

- Non obstante o anterior, e con carácter previo, poderá interpoñer o recurso potestativo de reposición previsto no artigo 123 da Lei 39/2015, do 1 de outubro de 2015, de procedemento administrativo común das administracións públicas, ante a Xunta de Goberno Local, no prazo de UN MES, contado dende o día seguinte ao da notificación deste acto.